

潘南文初集

四

書格



潘南文初集卷九

賦 祝詞

誄 祭文

瀋陽陶明濟星然著

北征賦

燕塵回薄遼海蕭森繁霜凝乎玉砌嚴關振於寒林淹棲遲已半載生紆軫之歸心時卑寧而代序雲漫漫而莫任蹤百舍而重繭猶可延賞而滌煩襟終日守此仄陋時踟躕而悲吟寒風蕭蕭急景沉沉楓林淒其斷綺菊蕊燦以疏金觸緒增感不願華簪思應懸而如結身順止以克忱況暮雲之寂寂正隣笛之愴愴賦爰擬北征之意途非有南溟之深乃修緘賸乃收卷軸簡元辰而俶裝與歸鳥以追逐其時固陰沍寒玄冥北陸雲水千重涼味萬斛策簪重驅輶沂再僕幸有鸞輪之純馳不殊流電之迅速霹靂之絃脫手之鏤烟霧起於疏窓風雲挾乎輪輻翳鳥舉而魚躍渾懸崖而激瀑憑歸雲以遐逝如流之滲漉惟首吏與防夫方舐頂而相蹴出彼國門重樓傑矗咽萬鼓與千鐘知輪疊而軌復仰見懸棟浮梁明澈肅穆儼萬人之廣廈費九柯之修築廓其有容如往而復流紫電之光芒燦華燈之奪目經涉其左右而曉晤其前後者蓋不知幾千萬族

既而車箱舉目屋小如舟似檣縹之相銜如乖龍與盤駟速過八駿力逾萬牛蹙地而遠羣橫絕四海與九州震鬱沸而憑怒如長洪之懸流氣布覆以噴薄如桀石以相投時躑躅廣運既重而周雖魯班與宋翟難爲斤械之橋揉長烟蜿蜒以綿邈急笛警澈以喁喁方知騶駕鶴厥理未優吾今以水火之既濟乘元氣而周遊雁山參雲遼水無極兮曾不值清曠之一收行塵不起郭郭遮留彷彿兮金台古寺依稀兮

月殿煙棲霜華萬重涼月一鉤聽隴雁之嘹唳慘代雲之油油樓台回首以瞻萬煙樹糾繚以叢稠天壇屹立見其圓邱隋塔傑峙下有松楸此時澹對渺然寡儔心懷懷以懷霜意慘慘而如秋千里馳驅萬山迎送睡睫微慵忽然如夢空有奇志託乎青霞安得佳詩吐乎白鳳衣帶斷而莫結憐手足之僵凍書卷收而莫讀惟叩臆以記誦

飢有漏肺渴惟酪連聞萬息之撼隣如兩蟻之交閨霜生壁隙風來窓縫寒具勝夫饑饉活火思乎枯葑山勢壓窓車穿嚴洞旣旬旬以蛇徙則弁鬱如裂甕嘆息人生憂患太衆恨永夜之凄寒兮何陰陰而不陽野蕭條以莽蕩知飛鳥之難翔時容與而弭節歎原隰之蒼茫寒星燦燦垂於山外兮野火耿耿而悽惶明發曙而不寐今獨懷念乎周行大荒浩浩其無己兮矯首八極而神爲飛揚緬懷中原之板蕩兮方鋒蝟而斧螳願言澄清而擊楫以託志兮攬六轡於康莊開窗懷天風之狂急兮覺霜霰之微涼蕭蕭櫛葉槭槭枯桑歷七邑而觀覽慨千里之一方超絕迹而鑿行兮方乘駕乎陵岡聽其所止而休兮忽朝曦之微光掣金蛇而倏閃兮雲霞繚於東方海氣浮天而無岸兮萬怪遑惑而潛藏

一宵之間鋒車撇戾所過邑都紛不可計或爲暮色所周遮或受枝柯之隱蔽漠漠一形難窮其際山村窈窕柴荆局閉大聲如豹而惜惜想見華胥之孤詣勞逸萬殊莫可一例夜過津橋羹夫微睇不聽鵲聲難參幽契想見殷賑之隆具有雄繁之勢樓閣沉雄物華蓊麗知海運之周途正嚴關之征稅至今與宇附於司隸雖午夜之沉沉猶笙歌之細細方侵曉之微白對榆關之空隆蹀躞重雲輯輯朔風荒荒大漠屹屹崇墉長城一線穿於虛空旣蜿蜒如修蛇又曲曲如游龍橫亘萬里之遠勢豎立萬良之精工方以

備胡誰知啓戎銅三泉而象三岑誇魚膏蜃灰之豪雄庸知憤王之一炬火光三月而猶紅

嗟哉霸圖迴乎不同不由庚於萬物謀一姓之榮崇剝斷草與寒煙惟此蹟爲可憑妖懣微亥苦節憐蒙孤鳥沒而決皆海雲橫而盪胸愛晨光之皎潔喜朝日之矚矚乃復推窓蕭然遠望鳥號秦王平遠一狀摩萬里之青銅浮一空之碧浪海上神山居然可仿憐徐福之狡然或據土而自王將末大於本根舉中原而莫抗憑弔蒼茫能無悵愴番舶重重凌虛奔放飄然取風超乎空曠不同履坎居然用壯未嘗發溺人之笑亦豈愁魚腹之葬安得木腸之兒來作小海之唱且喜陽和居然袂纊出關一望千里龍沙御官渡之霹靂乘奇肱之飛車前後繼屬而不絕勢如赴壑之修蛇夷途襄岸慄然周遮修路峻阪渺若荒遐錦州當前孤塔凌霞有寒葦之蝦菜異名飲之茶爪蒼山八百餘里崖斷疑杵臼之相加至石山之一站儼三峯如犬牙浮嵐割雲藻井倒茄似太華之碧蕊重狎獵之紅葩寧遠嚴鎮戍棲衙衙存當時之形勢無隱堞之悲笳風水澀夫白刃旆旌愁乎嶮岬居今思古能無咨嗟

路長心急吾知無涯聽水聽風居然到家至彼新邑厥河名柳白沙茫茫不見陵阜傳其波濤無時可守聞其崖隙轉移儼若蛟鼉之走或疑陽候之神謂有河伯之婦凌波赴泊人民何有我欲作書與魴鯉更煩爲目之水母俾安瀾而戢患勿生災而取咎配食水仙之王將永世其不朽未知肝蠶果能通否但視天衢日已至酉已而斜陽而下澹月微明車驛突而凌越儼冷然而空行心在水精之宇天開白玉之京未幾已至遠見高城真喧之俗名會多千廬之嚴更遂至家街心轉怵怵蓋驚喜之所致亦人生之至情吾兒增堯醴粹性成先迎侍於階下執的爍之紅燈老親色喜語笑懽懽妻孥悅懽聊慰夙旌承懽侍食

薄取微醒流蘇沉沉而美睡博山裊裊而幽清知人生之苦樂本環轉而一程情既循乎南陔兮賦聊續於北征

游藝會賦

維時金方戒序風遶大悠去恢台之夏入告季之秋氣靜雲高有沕寥之顯色疏林虛岫無塵壘之沉浮玉宇敷涼清商朝至碧虛如拭熠燿宵流或雨絲滴瀝水氣濛以迅疾或雲光解駁元陰闇以重幽惟爽塏之日少故盛會之期適吾奉之學翳維中校既具成均澤宮之規復有崇化勵賢之教雅頌之聲旣和揖遜之容自妙加以宿儒宗師先路爲導精博證義曲盡相告田駢天口則若決江河楊汪詞鋒則能窮堂奧亞鉛歐槩欲治之於一爐舊理新思悉化之乎六鑿宜乎諸學精詣成材不橈以古賢自許皆抱張拭之心得學派之傳敢輕蔡沉之少間事不止恒如賈逵之勤識理能超詎惹蕭嵩之笑因而實至名歸馳聲羣譟時同仁延得顯名太學者多豈止陳器有說詩關東之號吾師李公實握道要旣能承乎前脩復思開茲後覺譬如趙喜一言而太學乃存左雄一徵而羣儒斯到旣理治於焚絲復革爰而變豹學子莘然如疾必療不察淵魚容光則照製錦取夫新機改絃更平古調會以遊藝爲名理得藏脩之效月之三日實爲會期整廣場之脩潔若砥道之平夷長竿擢於空碧萬旗榮夫虹霓雲罕照空而晡晡日光相映以陸離奏藝之所各有其基若壤田之畫畦若布局之累棋其西則棚結金鋪可以棲遲雖無繡榻雲楣之觀亦得隱與蕭曠之宜梯几東西而布列筵綺煥赫而分披蓋所以爲冠簪之朋合瞻盛會而觀洪儀其北則山林掩映崩岑嶽嶠峯呈瘦態柳現疏枝孤雲兩角而入畫青山一髮而如髻其南則崇

隱天墜道逶迤不見疎柱維有華榼虧蔽倒影之日月澄澈綺疏之玻璃審觀諦擬日營神迷須臾鉦鼓
千霄聲震涼颼因之命儔聚侶豈容逐隊而嬉恍具兩甄七萃之想儼有一軍五校之思已而裔裔千列
睽睽萬目震震匄匄嬉嬉旭旭環以四圍如陵如谷奮厲慷慨之氣短衣楚製之服既整以暇不嚴而肅
可以徵吾校規可以觀其德育藝日之首厥惟提足應建鼓而奔趨如乘風之馳遂疑天龍之上躋恍神
驕之下注脫手之箭不足喻其疾離柱之弦無以方其速先強之勢既出後鈍之怒猶善飛廉乘風高欲
攀於天維夸父空行力可憾乎坤軸更有拔河諸藝理均參乎精熟六強六弱蓋勝負之難分東朋西朋
殫氣力而踞伏既非巨源之示弱尤無休璟之顛覆景龍之記詢爲不誣薛勝之賦其曰可讀此外難陵
書難罄楮拔幟立幟淮陰相整儼背水之遺陣若龍象之怒蹴景附騰飛當空雲煜復有摘豔攀芳冥行
幽獨執虜獻俘赤手搏東郭索宵蟹之行一足爲藝之綺曲脰僂圖轉稱絕角軀截馬之技久亦不傳
都盧尋槿之危尙安足數劍術一藝尤爲擅場綠沉之鎗輕擊而浮截青鋒之刃宵斂其光芒黃回運刀
不慮激水之灑劉顯試技恍若其身之藏豈傳之自司馬似魯之於東方霜雪凝乎皓色江海騰其清光
且也熊經鳥伸超邁騰驤慄迅而輕伎越勁以軒昂詢可謂皆殫其妙各極所長衆樂間作清聲婉穆悠
揚似疊夫紫雲激切可裂於煙竹箏鳴朱絃琴歌碧玉似海水之飛揚如狂波之洄洑仁則凱風之和武
若雷霆之肅曲沃之匏旣推之爲雅簧汝陽之篠如始出於山麓更有鳴鉦吹箏鐃歌法曲感塞上之離
懷動伊涼之振觸發揚蹈厲而感物者深徘徊纏綿而移情者速軍國之樂旣分甲乙之部相屬餘興未
已奇思復逐笑言合道長安尉固無傷談諸多趣東方生則何辱或宵蟬攫爭車或宵雀荷當路曷鼻懸

顏殊形奇服繡綽之態雖近玩世陸羽之言亦堪警俗是日也冠蓋相望流水游龍車羣馬駢從相從
清淡寧成玉屑華裾飄如煙虹其人則方聞縉學博洽洪崇其位則膠庠太學稷下淹中莫不累稱屢讚
人殊意同誰謂藝成而下固有以助據德依仁之功

東嶽廟法會賦

律中姑洗日在婁星有惠風之送懷無遺涼之蕭清九垓扇夫冲氣八埏澄於空明春郊禮乎青祇高雲
彩爲虹纓民物豐昌旣庶且富物華菁麗羣象畢呈多晴佳之麗日少風雨之春聲無遮旣屆夫法會嬉
遊則可以怡情東郊之園稍盛森列典禮祀夫俗宗規制峙於隆碣菴羅之園暨博暢而豐麗簪術之林
亦靜適而精潔寶坊金繩妙製猶存雪竇雲門光華無缺重閣危欄凌雲之層盤嶂嶸飛閣浮塔映日如
重巖巋巖岑立嵐居巖冕而崔嵬金樞玉島宛虹於門闕雲梁承天而天矯風窗當空而明滅旣炫惑於
目睛尤頸勞於飄瞥洞靈蕃釐其足相埒月之將晦會於是期都人士女以游以嬉其外廣場相望森列
隔帷戲車旣建脩旃亦持通渾畫地之幻人吞刀吐火之奇技旣簾忽而繁變亦驚愚而振奇黃公赤刀
之祝公孫劍器之遺水人弄蛇之法書生籠鵠之思僊僊武術之輕妙跟跲將隕而復羈幢末之技真無
所涯其內則通貨滯繁紛列市佔效貌寶鳴之鑪蟠龍雕螭之簪鏡呈金葉與銀花衣有文絲與香縷華
綵如明中之羽雀藏雞繁麗金勝則不斷而自成光芒初吐珠璫飾夫臂支步搖雕以鸚鵡啼髮之象櫛
珊瑚之寶樹刷鬢之豪犀曜首之珠柱香奩芬芳皆爲行賈更有幼稚器玩孩提摩撫被綈於木敷錦於
土光怪離奇多如綺組或搏黃胖或執雕虎羽效翰音毛爲童鼓鳴者鈴鐸響者鼗鼓盆尺之室盈寸之

具髣髴而微紛其難數

更有食稱楚苗飯號雕胡蘭英之酒松江之魚蒿香之醢驚美藏之花豬冷淘巧於撈旋水引細若髮梳
縷縷有脂豨之和饌既有金華之蔬醴醴之法於今忽得饌膳之食聞古有諸膏環既脫邊幅以舒怡餽
餽徹鮮果蟹胥更有佳木之實果蔬之屬煩解而消消汁瓊而漿生津潤甘香近驅暑酷絡絲既白備餐
於一時霜柑猶青澄碧於翠綠玉領霜園之珍穠華甘實之沃偏核雙仁罔不俱足蓋庶品咸備而應衆
之欲焉爾乃森羅列夫兩廊儼如紂絕之宮陰陰靜嘉之態颯颯颯颯之風怪人天之變伊驚鬼物之青
紅遮須之玉盱衡而振色鬱單之主隅目而挺胸被髮而譟呼天冤乎良夫搏膺以踊積忿雪於趙同莫
逃兇責敢蔽崖公蓋貝丘罔象浮光魃蜃畢方度朔之屬用鐵梳與銅缺警兇頑而懲頑兇也莊子擊以
馬捶列子撓於桔蓬古今之見如此死生之理焉窮劍樹刀山血猶狼藉油鐵鐵圍慘色冥濛碧雲閃青
天之一髮陰靈鬱重幽之九重雖象教之幻設亦瑜珈之至功原夫東獄之神實坤維宇闕爲名山與大
川斯崇德而報功既有仙罔之稱復有神府之號已具五祠更備三廟雲霧有膚寸之奇風雨興觸石之
妙靈爽式憑逢時感召雖以文化之寔明不偶設教於神道是日商旅儻然貨別隄分車旋人顧郁郁紛
紛豪士玉光之車女兒藕絲之裙翼成薄霧皆作頽雲靡顏賦理者或市煙視媚行者相羣明蘭膏之的
纒焚迷迭之芳芬交聚衆騁娛愉常欣爰措筆而綴墨書佳會以斯文

正言報發刊祝詞

夫宣情摠意莫重於言而輔志成謀必出於正吾人懷性宵覲爲有生之靈斯其注措敷施宏自然之度

不恃力而任智每因事以呈才是以疏通而智清粹而明當敵堅事鉅之時得因應無方之妙切勢隱扼
不足以迫震曜度劉不足以搖用能安制矜雪建邦設郡曼壽靈長超越品庶也人之保聚厥在於羣有
言語以相通則孚達性情得正義以相制則綱維體魄正言云者副誠防失明序定禮智周萬物道濟天
下心之符而行之指國之體而人之用也近世俗尙澆薄流風寢靡道義則存肄無時禮教則希闕不講
以致奇邪譎觚之民喬宇鬼瑱之輩風起雲涌發聞爲醒候從沓沓蠹於民物若從與俱流不加肝飾勢
必遐狄合處戲夷接軫尙何以佻正嘉吉函蒙祉福保社羣之永存隆人代於不敝乎竟其所由則亦有
故蓋國人驚乎岐說昧於讜論新奇可喜則雲動雷從平正中和則心非目笑以致譏響倍化沈沈四塞
邪說誣民蔓蔓日茂彝倫攸斁則家庭道苦政賦抗敝則國運潛衰軍無統紀時艷利以流禽民多皆觚
恐糜沸而魚潰以之爲學則煩碎支離以之爲俗則貪饕險詖以之濟時猶救火而抱薪以之應變如塞
源以拔本壞輶而御駢突朽索以制六馬庸有愈乎必無幸也

故今日政象愁慘國步迍邐祿度官用挹注已窮末技游食充乎境域丁男甲卒時倒戈以內爭馳傳督
趣民疲敝乎物力正供不給則資乎外假主權所在則奉之他人州郡分裂已不可爬梳強敵見陵則甘
於蹙國物價翔貴而番舶者多數賦橫斂猶誅求無藝至於士棄其學史盜其稟工拙於製商滯於運兵
敷其虐國濱於亡真百六之會而陽九之阨也考其本原不過正言消沮人莫之聽邪說滋熾充塞於世
故幕古不度時宜者固有迂弗銳用之譏而造語以惑惑聽聞者亦難免漸漬傷俗之謂凡係奢說必宜
深屏此正言不可一日不存於世者也茲者

貴報揭櫟此名正人以恕正己以誠言堂滿堂言室滿室於民俗偷一時卓然而立以圭臬盛矣哉迨鋒之化宣而木鐸之聲正也竊見今日途有行禽民無一宿左書右息立志不專朝採夕乘責效太速言實之士不進游手之民孔多爲政無曲制時舉之能治兵無練士教卒之用人心陷溺羣情惶駭奇說之極必成雕俗正彼天植乃稱立言

貴報淵衷宏願審謀章禮謹摠穴隙之見以爲商榷之端將以正言進於執政也則必載以板法扁善察度定綸定制應中外之方慎號慎名通古今之變凡夫矯虔之何以除叢脞之何以免撓詘省用以裕財純固敦摯以立體輯睦和協以有成倚革邪化以救弊幽隱之害則曲爲宣達章顯之禍則立爲忠告權以輕重審於是非以局外之觀得環中之契遠舉不謬近舉不備府然若渠原槩括可以明言章理好文恤實此吾止言有俾於執政者焉將以正言進於士子也則必陵謹盡察研幾要渺知微知章有倫有要斧藻於羣言彌綸乎衆理內韃萬物外掩羣雅道守於古則執中而含和藝進乎新則通明而弗滯凡夫依庸沮誦之文重差夕桀之算禮樂兵農之用聲光化電之機經國定分之理經籍史乘之學無不縷析剖判開其精進之端旁采博徵來吾導夫先路宏恢德性甄綜神識此吾正言有俾於士子者焉將以正言進於軍人也則必申礪以明恥教戰之義激厲其殺敵致果之心與夫犯命害上之爲可恥軍憲師律之不相容靡旌摩壘之榮追亡逐北之快何以捍患禦侮何以執俘拆誠何以消鋒罷折何以摧陷豪強證以實事實其餘勇釋其擁藩按壘之謀戢其稱兵內向之漸此吾正言有俾於軍人者焉將以正言進於司法者也則必平亭疑貳斟酌情俗三典以行五聽不悖議賢議故則無黨無偏訊吏訊民則必中正

鄉曲無武斷之人訟庭無玩法之吏讞詞於慎無失入失出之端爰書均平嚴一宥再有之禁中西兼考不悖本國之俗風貴賤以齊勿畏豪強而姑縱師聽五辭正於五過推己議物捨狀探情單詞明清詳刑精審此吾正言有俾於司法者焉

將以正言進於實業者也則凡食貨之志萬物之錄知其貴賤之相徵明於奇瀛之所在水耕火耨竭地之力青曾黃洞殫地之藏居積滯需得倍稱之息商功分錄無絲勺之謬雕琢刻鏤必極其機巧分判節度常運其心靈國產豐昌利源無溢羣萃州處不仰給他人日用飲食無虞其欠缺亭蒲襪袂呈疏澹苗萎之功製器審形有攻木範金之用粟盡有生貨散有聚廣業以勤措國於裕此吾正言有俾於實業者焉將以正言進於報界也則勿兜臆言風聽於市常供直詞譚論於人展意無所依回立心不畏強禦鈞鬚毛卵解舉世之惑論道居身為社會之助綜彼萬殊祛此百匿貴翔實而忌虛誣勿黨同而兼伐異正理直度何有雷霆萬鈞之威植固貞明必得風行一時之頌庸衆驚散者讀之而振報偷懦憚事者讀之而勇任倚魁乖違者讀之而矜平權奸恣縱者讀之而殮跡開夷固僻違之風作強直堅忍之氣此吾正言有俾於報界尤願

貴報以此自勉者焉區區數端聊申鄙祝所望言則必正無倚物怪變之疵止然後言有平水置鑒之妙謹作頌曰

恢台盛夏布序融風鴻文無範應時程功諸子奕奕意過其通具此宏志垂於無窮懷握鉛槧馳遞郵筒六指咸備八維皆充吾鄉匪遠位國東封人文浸進博洽豐融六鑿初闢四遠明聰譬彼魚鳧乍開蠶叢

貴報首出實爲鑿空行諸京國聲價聿隆持險應變發矚震豐康濟之略爲世所崇中原板蕩世局旋蓬
高鋒慘白戰血殷紅屋社將國易若撿轡保邦已危如土九葉安得流瀝一蘇疲瘵凡吾胞與大都市蒙
願言開說悟其倥侗我心惘惘視天夢夢雲烘赤日海摩青銅惟恐甘北至於籠東更祝盛業偕諸大同
我草此詞筆抗烟虹

祭劉申叔先生文

嗚呼龍蛇歲厄厥讖可驚果然儒林竟失康成哀梁木之既壞證絲竹於前生天紺滑以開慘風悽慄以
悲嗚儼神儀其宛在空懷但於衷愴淑靈滄懿嘻惟先生神則出乎五寸志則入乎四行沉思淵澈湛
然虛明昌正學干大路闢異途之榛荆如極焚而救溺實補劓而息鯨振一代之沉迷抗萬鈞以力爭眠
食行坐殫竭精誠其博識也則嵩高竹簡知出顯節之遺陵其奧衍也則華山清雨莫解句讀之縱橫其
強記也則園林樹木皆有經苑之名其多學也則文史元儒邱索墳典河洛識緯陰陽歷算古諺圖籍無
不洞澈而澄法如杜武庫中具五兵如董江都天人學精如賈長沙少年輩英如許叔重篆籀歸程能覃
思以獨造穿幽淬於塵冥文則萬言落筆詩則五言長城學伯仲乎鄭馬品季孟於玄卿天胡靳其壽命
反遠遜於凡氓

翳維先生胡可以死不謂倉許之才而兼班揚之技心雖示乎先庚目不空乎餘子摛謙斯光幽貞道
履亢亢窮年焚膏繼晷掣渤以華鯨陋塵埃之螻蟻業有千秋年纔三紀殫心忽微矜枕圖史求罔象之
玄珠登輿渫於華几卒使萬流仰鏡羣偷翹企青冥之期靜如止水丹霄之價人繩其美超若白獅力如
蒼兕語所未至已見微旨言所欲言能無色喜時饌益於後侗終不出乎前軌如飲醇醪自棄薄醲如遊

五都自輕荒鄙卒令楚語之庚秦客之俚渾如風靜波平浮漚不起以循誘之元功植門墻以桃李雖以賤子文質無以猶啓迪以開發知勉而爲正止士自承宏教於茲三年久聞渺論克侍坵壇儼祺之貌盎於背肩其纓綈緩其容簡連三千太學日有誦絃群驚一代之作者不愧命世之名賢純篤坐春風之內神妙到秋毫之顛以書作囿因情爲田實中心之妙契非邊腹之空便每當寒飈歲敵面目昏於塵煙先生不憚由由而茲勉竟忘衰之冥纏弛氣離坐目光瑩然其容悻虛而清羸其意植髻而蛻蟬儼稅駕於聖涯似澡身乎玄淵

言柄若鴻鐘之破巨浪聲華似明庭之接飛仙三寸之珠萬斛之泉翳吾儕之何幸得久侍乎經筵如讀靈寶之章如參寂照之禪方意豐附雲遂得天獨全若驂從斬水以周旋何期龍留文星之系風斷語笑之緣哀音塵之不再空呵壁而問天 先生之文沛於毫素意蕊雲飛葩華萍布不矜六論與十題自有千詩與百賦纔撮筆以投篇已傳抄以修註讀紀行之長律知追琢其章句韻六百餘八十實一氣之貫注或譏訓詁人詩得無小誤豈知體物精微白饒天趣飛動摧於霹靂目巧自爲與阡某嘗勉奏下里以和韶護豈免優孟之儀形終愧邯鄲之學步乃知才分既殊勢難曲傳旣垂趾之二分問手足其焉措將質草玄之亭中空有化台之追慕天道難論蒼蒼焉訴嗚呼 先生摩竭作命憂心恐多抗懷微淡無慕詞科渡大瀛之海作擊楫之歌扶桑若齊天風雨蕩摩以龍門之壯志過風嶺而婆娑

旣而蓮幕載筆解橈除苛人識馬周之姓名幾同灰燼之陰何長安解珮粟里鳴珂凡關中之名迹皆攷

訂其音訛寒陵野火不憚經過識琳瑯之令雍辨岢嶇之蛟鼉以及瓊瑤嵩卣識其蛭蝓威斗辨於典寶
寧容俗士之詆訶嚴詩須編杜集豈許名實之偏頗間中相於日有唱和極人間之逸雅奈歲月之投梭
對新亭而生感歎荆棘於銅駝以此烏邑遂篤沉痾嗟夫生才實難奄忽實易天不自珍其靈遂降巫陽
之使渺千載以過期冥萬古而不視委天上之玉棺收人間之經笥曜質方昌潛靈斯棄胡時命之不長
眞莫窮其所致懿乎其純淵乎其思文則正於魏統學則立以漢幟稽古可邁桓榮論壽僅倖賈誼既違
首邱復乏承嗣歎神理之無恒哀人生其如寄雖明德而通玄終幽宮以長寐況危言之日出孰軒彈而
排比幸有故友贈以賻門生供以歛遂因儒林丈人之鴻名立文範先生之私諡有不朽之盛業寄精神
於文字搜左庵之叢殘及國故之諸誌將付攻木之工善用錐刀之利必使妙墨英詞崇論宏議甲乙丹
黃相次從類

校讐鑿駁考覈同異辨諸說之精疵知正學之眞僞守先待後吾儕之事振餘緒而遠紹將永世其不墜
吾知先生含笑於地噫嘻悲哉人則百身莫贖天胡爲乎此醉猶噫旬日之前講論篇章雖以沉篤之際
不肯淹殫於牀解玄言如輔嗣猶剛健以爲強一揖幾墜起帶淵牆至今冥想凄然神傷尙謂道體凝固
必無所妨何期兩楹致奠夢有妖祥嗟乎 先生身遊元圃目極縑緇一心瑩澈九蒙知方性得中和之
氣家有清秘之藏譽則馳夫文囿身不遠於名場雞碑雀錄五雅三倉以古人爲執友以古道爲康莊今
委化而即於古當入馬鄭之室徐庾之堂自古死者非一況奕葉之耿光而欺魄幾沒初不關乎短長惟
是九原路黑終付冥社當寒燭之互野正天風之隕霜哀師門之永訣對函丈以彷徨迫心喪之古誼奠

桂醕與椒漿精爽式憑哀哉尚饗

祭郭君欽光文

嗚呼白齡迅矣長洪跳波神宇謝乎氣濁志行屹乎山河雖有騰化之術不如事功之多是以終生請纆
童鐻探戈縱殲沒而爲天名萬古而弗磨者夫捐身闕策巨任負荷其奔氣之勃鬱實異軌而同科芳年
踵頽解嬈除苛載惇吏以永傳揚詩篇以頌歌嗟爾欺魂焉能抵訶

鑿惟 郭君式鍾芳烈越瓊海之滄波望燕雲而弭節蜚聲太學俗好不屑與友則水乳以融治業則金
石俱鏤於時陽九厄遘亂機飄瞥國運連連曲行跋蹙強鄰責言探吾局蹐思啓封疆狡焉貪餐得寸進
尺綿綿瓜爬一髮中原居然甌陞於是庠序志士椎心泣血思春秋九世之仇而興悲觀箕子三韓之遺
而嗟咽恐懸隸與轉屍真傾巢而覆穴遂入集侶命儔匡扶提挈惟君義憤壯心中懷俱熱長歌激于屋
梁對漿饋而欲噎怳々矜矜奮筆奮吾吾儕屏迹此心空切塞兌而胸少咫聞衝盪則手無寸鐵亦惟推
誠有衆相與固結或邀天之所眷顧倘初衷之貫徹明知精衛雖恨豈滄瀛之能填寇氛懼難非朝食之
可滅言之淚盈思之骨折何圖於君竟成永訣

其時內有二憾計難十全以王衍之誤學襄叔之違天甚秦會之之通敵甘中行說之附羶以國爲市工
於計然誰尸咎也國有人焉此而不討庸宜舍旃則有膠庠士類附從班聯雖風詩之顯刺實禮義之不
愆象甘齒焚鼠以狡傳惡直醜正其容無悛逮國人之逐瘦難束手而嚮拳撫迹似懷原心實賢哀哉郭
君此生遂捐知化碧而如石竟爲啼血之鵲

嗚呼國何物焉而可爲鬻哉謂蓼甘無將矢喙不敵非類不祀非族嗟爾壬人甘爲臣僕媚敵事仇無恤
怨讟豈知功狗終烹寧能世祿受鬼責與人非爲萬衆所指目必干天刑終於非福徒令國人思食其肉
譬如木中之虫遠以啄木富槁枝而爲新間汝身其焉覆嗟乎郭君公歸不復逝后羿之設中學射日而
連鐵縱死無傷後繼前仆羣子鄙鄙因人碌碌寧若君之慨慷勝英聲而芳馥

噫嘻悲哉觀吾中原不虞寇亂則畏疆藩戰場綿互故鬼煩冤聽雷霆一之震駭悟波浪之騰翻鋒蝟斧
蟾蜍附蜂屯安問狐狸真畏鯨鯢鴛首麗于泥塗劫火殷乎乾坤徒見問兵刮寇牧出令奔慘千室之滅
沒驚萬里之烟昏元元民庶淚飲聲吞家無蓋藏里少難豚果人生之若此又天道之寧論一國三公政
出多門毛將安附皮之不存媚外則爲虎作倖割據則善佛稱尊嗟嗟民生如炙如燔君精爽其有知願
因巫陽而叩諸九閭

往焉郭君九原可作雖置身於上庠不繫情於好爵似夢觸邪如仇疾惡惜吾南北之阻分未悉君行之
概略要之愛國獨厚自待不薄故能奮發激昂嶽崎歷落其氣雖強其身實弱慘福博之異鄉況機雲之
入洛雖坎窞莫依終友朋之有託因而刻意誅仇勇於一搏以憤火之中盈況健兒之榜掠髓朱旣傷霞
紅空囁一睨萬古不觀再厲而千秋爲灼取義捨生可云無錯鄙彌天之道安陋四海之習鑿喚吾國魂
觀此精魄荐以蕪詞質諸冥寞雖桂酌椒漿寧如心香之誠格哀哉尙饗

代中校同人公祭君趙葆彝文

嗚呼叢蘭遽悴偏限顏子之年露雍空歌難辨孝標之命修短莫定秀實不兼竟有沉痾之災能無人琴

之感乎君以荀攸之英年兼劉昆之篤志謝宣遠之殉業遂損身心董仲元之專精終得學識蔣義於寒暑之際未嘗釋卷裴炎當休澣之不忍去書學宜列夫上庠名遂光於中校吾等猥以弁陋忝獲迫從初識面而即驚乍相知而已得蓋君丰神元定才語蟬嫣既可測交復宜樹善分甞割席嘗相品以至誠承顏接詞必深投夫雅契因之誼久而重交相爲傳既見如平生之歡已識恨相得之晚陸餘慶之博雅交不止於十朋崔元宰之高華誼不恨於四友推懷投欸交呂攀稽其於同人之誼有如此者加以舉止詳華雅容有度言行遵坊表壇宇性情如渾金璞玉踐繩以履其節循矩而堅於守羊殖則每變而益上元平恒因短以見長清靜默識仰不愧於師資矜式學行動必遵於校則因之蕭嵩少學人不敢輕王珪微時屢邀嘉譽升降於講席之側久已知其中規周旋有如此者且學術不獨精勤而志行尤爲卓越觀其建端樹義切理會文常爲實事之求必有至是之得既宏於科學之中每補於新機之理即學觀人因初見道則阿鄰頗似國家之器朱穆不僅專愚之癡焉其抗志高尚有如此者嗚呼君才擅其全命限於促事越之不寢不食已爲致疾之因長吉之無飽無安竟致嘔心以死哀哉吾等誼切同班情深一校初來音而紆軫繼頽思而烏邑壽爲欺魄知君泉路道光祭以表誠痛切九京悽慄蕙蒸蘭藉尙希精爽之志茹歎含哀深切同羣之感尙懇

白太宜人誄

夫華宗澄粹必協坤靈之符中閨淑賢有同乾蔭之庇是以鄒母善導學以三從而成敬姜德英業因四教而立莫不制節祇心推慈敦愛簡冊榮飛華之烈修名勝禕翟之榮餘徽昭重光靈永屬豈不懿歟若